

Gvangjsih Minzcuz Bau

Cawiguenj: Gvangsijh Bouxcuengh Swcigh Minzcuz Cunghgvau Swvu Veiivenzvei

Cawjbanh: Gvangsijh Minzcuz Bause

Geiz neix 8 bani

广西民族报 Aenhauh okbanj: CN45-0036 B.2024 Nd.11 Ng.13 Liggaeuq gyapsaenz nienz ndwencib cibsam Geizsoq: Gungh daih 3645 geiz

Liuz Ningz Bae Laizbinh Si Yenzgih Giyez Caeuq Hanghmoeg Hwnqguh Itsienq Hezdiuz Gaijgez Vwndiz Doidoengh Hwnghat

11 nyied 9 hauh, Swcigh Dangiveij suhgi Liuz Ningz bae Laizbinh Si yenzgih, giyez caeuq hanghmoeg hwnqguh itsienq diuyenz, yienhciegz hezdiuz gaijgez vwndiz, daegbied gangj daengz aeu haeuilaeg doeksaed gij cingsaenz Ngeihcib Gaiq Samcung Cienzhohi Dangj caeuq gij iugouz youqgaenj Siz Ginbingz cungjsuhgi lwnhgangj hong Gvangjsih, cietsaed aeu swhsienj caeuq hengzdoengh doengjit daengz gij anbaiz baijbouh Dangjcuengh-yangh, ciuq gij iugouz guhhong Swcigh Dangiveij, Cwngfuj, caenh-itbouh gyalai roxyinh guh ndei hong ginghci cwzyin naek, hopheux gij canloz yinvu hwnqguh “it gih song dieg it suen it roenloh”, haenqrenz doeksaed, haeuilaeg gaijgwz, fugsah giyez, baujcam minzswng, doidoengh hwnghat, caiq haeujsim, caiq gyarengz, haenqrenz ca ndei hong ginghci song ndwen ceiq laeng bineix, roengzrenz saedyienh daengx

bi ginghci sevei hwnghat moegbiu yinvu.

Laizbinh Si Sanhgyanghgouj Sinhgi Singnwgz Sang Cijgih Caizliuh Moq Canjyeyenz, gungh roengzgoek 219 ik maenz, 2022 nienz 3 nyied haihong hwnqguh doxdaeuj, gyoebseuq guhsat dinghmaenh roengzgoek 57.2 ik maenz. Liuz Ningz byaij haeuj yenzgih canjdingh caeuq giyez cehgenh, caensim cam hanghmoeg guh ndaej baenzlawz, cungfaen haengdingh bi buenq couh hwnqbaenz geiz nduj hanghmoeg, maqmuengh giyez gyavaiq doicaenh hwnqguh geiz ngeih, sam, daiqdoengh engq lai giyez lienhcanjnieb haeuj youq, iugouz Laizbinh Si caeuq swcigh mizgven bouhmonz cagaenj yenzgiu gaijgez gij vwndiz hanghmoeg yungh dieg saemjbae daengj giyez dwen ok de. Riengzlaeng, Liuz Ningz daeuj daengz Laizbinh Saekloeg Vagungh Yenzgih hanghmoeg yienh-

ciengz, dingq bauqlwnh yenzgih hwnqguh gviveh cingzgyang, iugouz youq gwnz giek gyavaiq hwnqguh canjnieb hanghmoeg seizneix miz de, yungh ndei dangdieg faex, oij, rin daengj swhyenz, gyagiengz rengz dinghyiengq ciu canghseng, eiq, yinx daeuj aen giyez lingxdaeuz, haenq-rengz hwnghat vagungh caizliuh moq caeuq huq vagungh cingsaeq, gyavaiq hwnqguh boiqdaug giekdaej sezsih, coenghregz canjnieb hwnghat ndei saed.

Liuz Ningz lij bae Gvangjsih Luzlenz Swnghvuz Gohgi Gunghsw h caeuq Gvangjsih Dezhozginh Gunghsw, ciengzsaeg roxyiuj giyez guenj-guh caeuq cwngcwz leih giyez doekdieg ndaej baenzlawz yiengh, gienq-mienx giyez gyagiengz conzdungj canjnieb cienjhingz swnggaep, daez-sang guenjguh guenjeix suiijingz caeuq gaenxmaenx haigvangq hawciengz.

Liuz Ningz daegbied gangj

daengz, Laizbinh Si diegvih ndei, swhyenz lai, aeu cungfaen fatok gij ndei bonjfaenh, ciengjca gij seizgei hungnaek Cunghyangh doiok baenz-roix cwngcwz ndei caeuq seizcou seizdoeng mboengq youqgaenj guhong, gyagiengz ginghci yinhhengz diuhdoh, ciengzseiz guh saeddaej ginghci diuyenz fugsah, haenqrenz ca hanghmoeg lai roengzgoek coi hwnghat, doidoengh engq lai hanghmoeg gyavaiq hwnqbaenz doekdieg, cien fueng bak geiq guhsat ginghci sevei hwnghat moegbiu yinvu. Aeu gyavaiq canjnieb yenzgih gaijgwz hwnghat, caenh itbouh guhndei seiq-henz guh seng, eiq, gyalai rengz ciu canghseng, eiq daeuj guh seng, eiq, ciuq dieg bae guh hwnghat yiengh swnghcanjliz rengzmoq, gyavaiq cauhaeb aen diji canjnieb yendaiva, vih daengx gih ginghci sevei hwnghat ndei saed lai ok goengrengz.

(daj 《Gvangjsih Yizbau》 aeu daeuj genj hoiz Vei Bizfungh)



Yungzsuij:

Vunzlai Gak Cuz Angq-hoh Buen Dieg Haj Hopbi

11 nyied 10 hauh, Yungzsuij Myauzcuz Swciyen Yungzsuij Cin Myauzmeij Gyahyenz Segih guh yieng-saeh angqhoh buen haeuj dieg bangfuz senjyouq haj hopbi, vunzlai gak cuz ndang daenj buhvaq moqsag, ciengq go diuq foux doxcaez angqhoh.

(Lungz Dauh ingj)

Bwzswz Ndaem Youzcaz Lai Daengx Gih Daih'it

Bwzswz Si Linzyezgiz lwnh vunzlai rox, Bwzswz Si haeuilaeg gvancez doeksaed Gvangjsih gyavaiq youzcaz canjnieb hwnghat sam bi (2023-2025) hengzdoengh, laebdaeb gyalai ndaem youzcaz. Seizneix gaenq guhsat 2024 nienz youzcaz ndaem moq 12.23 fanh moux, gaijcauh ndoeng youzcaz baenz mak noix 17.85 fanh moux, guhsat najdieg, guhsat cingzsoq cungj baiz youq daengx gih daih'it. Seizneix, daengx si ndaem youzcaz

daengz 236.5 fanh moux, youq daengx gih daih'it.

Bwzswz Si okdaiz gij cijdauj yigen guhndei cwngcwz hanhngg raemj ndoengfaex, yawhlouz mbangj hanhngg raemjfaex baujcam gij aeyungh raemjfaex ndaem youzcaz gonq, baujcam ndaem youzcaz 2.3 fanh moux. Dazyinx youq laj loh-sienq dienhsienq ndaem youzcaz, bauq hawj diuzcingj ndoengfaex goeng'ik 1.2 fanh moux daeuj

ndaem youzcaz.

Bwzswz Si haenqrenz doigvangq “youzcaz + N” cauh ndoeng vunqsik, guh “youzcaz + faexnganqciq” “youzcaz + makbwzyanghgoj” “youzcaz + gocin” daengj lai cungj guenjguh vunqsik 2.3 fanh moux, aeu ndaem lawh ciengx, aeu dinj ciengx raez. Doengzseiz, yinxhaeuj aen giyez lingxdaeuz caeuq bonjdieg youzcaz gyagoeng giyez doxgap hwnghat lienhcanjnieb youzcaz, yungh gijndei

ngaenzcienz, dinfwngz, guenjeix caeuq siugai de, caeuqfaenh youzcaz canjnieb hwnghat 15.6 fanh moux.

Seizneix, Bwzswz Si gungh cauh cien moux gaep dieggiek youzcaz 12 aen, hwnqbaenz baenzbenq 500 moux doxhwnj dieggiek guhyiengh youzcaz 91 aen, youzcaz canjnieb cwgoemq daengx si 12 aen yienh(si, gih) 101.4 fanh gyauejvunz lajmbanj.

(Vangz Yenginzi Ciengj Cwngyen)